

NETPACK-imik atuinnermut malitassat

1. Malitassat

NETPACK adressekortinik aniatitsinnermut aammalu poortukkanik frimærkiliinnermut atorneqartarpoq. Adressekortilli aammalu poortukkat nalillit frimærkilernerat NETPACK-ikkoolugu pisinnaangilaq, taakku toqqaannartumik TELE-POST Centerimut sulii tunniunneqartartussaammata.

Poortukkat NETPACK-itut tunniunneqartut, poortukkanut tunngatillugu allakerinnermi niuernikkut piumasaqaataasunik nalinginnaasunik malinnittussaa-titaapput.

NETPACK-imik atuisup, poortukkanik frimærkiliinnermut atugassiamik atuinermi, qanorluunniit ittumik TELE-POST-imik annasaqartitsineq ajoqusiinerluunniit akisussaaffigaa.

2. Atuisinnaatitaaneq

NETPACK-imik atuisinnaaneq POST-imi Inuusutissarsiummik ingerlatalinnut immikkoortoqarfiup tunniuttarpaa. Atuisinnaanermut akuerineqarnermut ilanngullugu tunniunneqartarpoq NETPACK-ip atornissaanut ilitersuut.

NETPACK-imik atuisinnaanermut akuersissut atorunnaarsinneqarsinnaavoq

- NETPACK atorneqartarpat
- atuisup NETPACK-ikkut aniatitai naammaginartumik pitsaassuseqanngipata
- NETPACK-imik atuinermut akiligassat akilerneqarneq ajorpata
- NETPACK akulikitsumik atorneqarneq ajorpat, tassa ukiumut atukkat minnerpaamik 2.500 kr.-it angusimanggipatigut.

NETPACK atuisup nammineq nassiussassaanut taamaallaat atorneqarsinnaavoq.

POST atuisup atorneqarluneranik pasitsaassaqaaruni, NETPACK ilisimatitseqqaarfiunngitsumik erngerluni attaveerneqassaaq.

3. Attavigineqarsinnaasut

NETPACK-ip qanoq atornissaa pillugu apeqqutissaqaraanni, POST-imi Inuusutissarsiummik ingerlatalinnut immikkoortoqarfik telefonimut **34 18 35**-mut sianerluni attavigineqarsinnaavoq, allaffigineqarsinnaalluniluunniit **posterhverv@telepost.gl**-imut.

4. Tunniussineq

NETPACK atorneqartarpoq atuisup **www.frankie.gl**-imi nittartakkamut iserluni atuisutut atimi isumaqatigiissutaareersup aammalu isissutissami allattorneratigut. Atuisup adressekorti immersussavaa, frimærkiliussassamik pisissalluni, taavalu printerikkut adressekorti anillatsillugu. NETPACK-imut adressekorti, poortukkamut nipitinneqartussamut plastikkimut ikineqassaaq. POST-ip Inuusutissarsiummik ingerlatalinnut immikkoortoqarfianut attaviginnilluni puussat plastikkut POST Greenlandimit pineqarsinnaapput.

NETPACK TELE-POST Centerimut tunniunneqassaaq, tassani isertutut scannerneqassaaq. Isertutut scannerneqarnera tunniunneqarneranut uppernarsaatitut isigineqartarpoq. Poortukkap stregkodia tigusisussaalu NETPACK-imi takuneqarsinnaavoq, anillatseqqinneqarsinnaallunilu atuisup pisariaqartitsinera malillugu.

5. Frimærkiliinnermik/poortukkat nassiunneranni akiinik isumannaarineq

NETPACK-imik atuisoq akiligassinneqartartut atuisunngorsinnaavoq (kredit kunde), poortukkallu nassiunnerinut akimik qaammammut qanoq annertutigi-

sumik atuisimaneq qaammammut ataasiarluni qaammammi tullermi nassinneqartarpoq. Akiligassiissutit ullulerneqarneraniit akiliinissamut piumasaqaat ullunik 14-inik siviussuseqarpoq.

Atuisut akiligassinneqartartut qaammattip affaani poortukkanut nassiunneqartunut atorneqartussatut naatsorsuutitigisat nalinginut qularnaveeqqusiinissaat, TELE-POST-ip piumasaqaatigisinnaavaa.

NETPACK-imik atuisoq aammattaaq akilereerlugu (prepaid) atuisunngorsinnaavoq, tassalu nassiussinerit tamaasa atuisup poortugaq Dankort, Visa imaluunniit Dankort/Visa atorlugu akilertassallugu.

6. Peqqissimisinnaatitaaneq

Atuisup NETPACK-ikkut pisinini peqqissimissutiguniuk, pisinerup kingorna siviunerpaamik ullut 14-it qaangiutsinnagit adressekortimut akiliutini utertisinnavaa. Tamanna pissaaq adressekortip POST Erhverv, Postboks 9999, 3900 Nuuk-mut nassiunneratigut. Utertooritit tiguneqassapput qaammattip tulliani, qaammammut akiligassap akiligassanngortereerneratigut.

7. Nalunaarsuinnermut politikki

NETPACK-imik atuisut POST-imi atuisutut nalunaarsorneqartarput. Paasissutissat tunngaviusut uku nalunaarsorneqartarput:

- atuisutut normu
- ateq
- adressi
- CVR-nr.
- e-mail aamma telefon normu
- atuisup nammineq ilisarnaataa

POST-ip naatsorsuutit allattuinnermut inatsit malillugu pisineri sullissinermilu uppernarsaatit ukiuni 5-ni toqqortarisussaavaa. Illit uatsinni atuisutut paasissutissanik nalunaarsorneqarsimasunik sukkulluunniit piumasinnaanisat pisinnaatitaaffigaa. POST-illi tamatumunnga atatillugu allaffissornermut akiliummik akiliisitsinissaaq pisinnaatitaaffigaa.

8. Akiliinerup isumannaatsuunera

POST-ip paasissutissat isertuussaraa, isumannaalluinnartumillu suliarisarlugit.

POST-imut Dankort / VisaDankort / Visa atorlugit akiliisarnerit PBS, Aningaaseriivit akiliisitsisarnermik kiffartuussiviit (Pengeinstitutternes Betalings Service) suleqatigalugu ingerlanneqarput. Kortip normua aamma ulloq atorunnaarfissaa paasiuminaallisarlugu SSL (Secure Socket Layer) iluaqutsiullugu PBS-imut nassiunneqartarpoq. Paasissutissat taakku POST-imit toqqorneqarneq ajorput.

IP-adressit nalunaarsortarparput, paasissutissallu database-tsinnut toqqortarparput. IP-adressi atorneqarluisoqarneranik pasitsaassinnermi taamaallaat atortarparput.

Nittartakkami **www.frankie.gl**-mi cookies-it atorneqarput. Taakku tassaapput tekstfil-it atuisup maskiinaanut toqqorneqartartut, taamaallaallu nittartakkamit tassanga suliarinnittumit atuarneqarsinnaasut. Cookies-it siunerataat atuisup isissutaanik eqqaamanninnissaaq/toqqorsinissaaq. Atuisup aqqanik kodianilluunniit imaqaangilaq, taamaallaalli atuisup isersimanageranik nalunaarutaalluni kodigaq. Isumannallisaaneq qaffasinnerpaq anguniarlugu cookie taanna tamatigut nunguterneqartarpoq.

9. Taamaatitsineq

Atuisup atortulersuut NETPACK atorunnaarumallissaguniuk tamanna nalunaarutigissavaa uunga, POST Greenland, Postboks 9999, 3900 Nuuk, mail: **posterhverv@telepost.gl**, tamatumalu kingorna atuisup kontoa naatsorsorneqariarluni matuneqassaaq.